

дрегу. А сами поехаша пудем<sup>а</sup> своим и сretoша многих стражей Амира царя от великия реки рекомыя Баграницы. Бяше же их числом три тысячи. Видеша же братия великую<sup>б</sup> стражу Амира царя и рече больши брат: Братия моя, добро во едином месте ехати на стражей Амира царя. И рече средни брат: Братия моя милая, то есть стража болша Амира царя, разделимся натрое. Больши брат<sup>в</sup> с правыя руки, средни — в болшем полку, а менши — с левую руку поскочиша на людей Амира царя и начаша иг<sup>г</sup> бити, яко добри косцы траву косят: ових связаша<sup>д</sup>, ових же секоша и нагнаша<sup>е</sup> их посреди собою, яко добри пастухи овцы. Пригнаша их и побиша, только трем мужам в<sup>ж</sup> живот даша провозждения ради ко Амиру царю. И начаша их вопрошати: Повезде<sup>з</sup> нам, срачиняни, во граде ли вашем Амир царь пребывает или нет? Отвеща<sup>н</sup> же срачиняне: Братия милая, Амир [л. 173] царь наш вне граде<sup>д</sup> пребывает, за семь поприщ пребывает от града. Многие у него шатры стоят, во едином шатре многие тысячи вмещаются силни и храбры, един на сто поидет. И рекоша братия срачаниям:<sup>б</sup> Аше бы мы не боялися бога, давно бы вас смерти предали. Но вопрошам<sup>г</sup> вас, да не в соблазн приидем: Повездьде<sup>г</sup>, каков шатер у Амира царя? И рекоша срачиняне: У Миря<sup>а</sup> царя шатер червлен, а по полу зелен, а по шатру златом и серебром и жемчугом укачен и драгим камением украшен. А у брата его шатер синь, а пополу зелен, а по шатру такожде украшен. А иные многие и прочие шатры стоят, и в них пребывают кмети. А емлют<sup>а</sup> царя прибытку на гот по тысячи и по две, и сильни, и храбры есть, един на сто поидет. Братаничи же отпустиша их ко Амиру царю и рекоша им: Отнесите словом вести ко Амиру царю, да<sup>ж</sup> рек бы так Амир царь, что приидоша татьбою братаничи и убиша мя. Срачиняна же<sup>г</sup> ради отпущения<sup>н</sup> и принесоша<sup>а</sup> [л. 173 об.] словом весть ко Амиру царю. Слышав же Амир царь ужасен бысть и рече кметем своим: Братия моя милая, силни кмети, видех аз начесь сон, аки ястрепе взяша мя крылы своими, едва не предлежат<sup>а</sup> на теле мем<sup>б</sup> ран, занеже братаничи приидоша и начнут со мною предтворити<sup>в</sup>. В то же время приехаша братаничи к шатру Амира царя и начаша кликати Амира царя вон зоваху: Повездь нам, Амир царь, что не имееши на пути стражей поставитъ? Мы к шатру приехаша безо всякой обороны. А ныне повездь нам<sup>г</sup> братья и уязви<sup>н</sup> пришет исхитил еси сестрицу нашу татьбою. Аше бы мы пригодились дома, то не мог бы ты убежати<sup>н</sup> сестрицею нашею, но злой бы смертию умер, но вся бы земля твоя у нас в работе была. А ныне повездь нам, где сестрицу нашу девал? Отвещав же им Амир царь: Братия моя милая, видите гору оную велику и прекрасну? Тамо бо почтеные<sup>г</sup> жены и прекрасные девицы. Тамо же [л. 174] сестра ваша посечена, занеже не сотворила воли моею. Рекоша же братаничи: Братия милая, поидем на оную гору прекрасную и видим мертву девицу, возьмем на, потом со Амиром царем управимся. И седоша на кони и поехаше на гору и видеша на горе многие жены и прекрасныя девицы посечены. Нача же они сестры своя искати и обрете

[л. 172 об.] <sup>а</sup>ош. вместо пудем. <sup>б</sup>ош. вместо великую. <sup>в</sup>опущено поезде. <sup>г</sup>ош. вместо их. <sup>д</sup>ош. вместо связаша. <sup>е</sup>ош. вместо погнаша <sup>ж</sup>ош. вставка. <sup>з</sup>ош. вместо повездьде. <sup>н</sup>ош. вместо отвещаша.

(л. 173) <sup>а</sup>ош. вместо града. <sup>б</sup>ош. вместо срачаниям. <sup>в</sup>ош. вместо вопрошаем. <sup>г</sup>ош. вместо повездьде. <sup>д</sup>ош. вместо Амира. <sup>е</sup>ош. вместо от. <sup>ж</sup>опущено не. <sup>з</sup>—<sup>н</sup>ошибочно повторено в начале следующего листа 173 об. <sup>н</sup>опущено быша.

[л. 173 об.] <sup>а</sup>ош. вместо предложиша. <sup>б</sup>ош. вместо моем. <sup>в</sup>ош. вместо прогворяти. <sup>г</sup>—<sup>н</sup>испорченный текст <sup>д</sup>опущено с. <sup>е</sup>ош. вместо посечены.